



NAVIANARTUMIK NAPPAATEQALERNISSAMUT PFA-MI SILLIMMASIINEQ

Atoruminaatsorsiorfimmi aningaasatigut periarfissaqarneruneq

Sulisorisaq nappaammik navianartumik eqqorneqaraangat sorpassuit allannguuteqartarput. Taamaattoqartillugu amerlanerit eqqarsaqqissaarnissamut immaqalu inuunerminni atukkaminnik nalilersuinissamut periarfissaqarnissartik pisariaqartittarpaat. Illit suliffeqarfiutit Navianartumik nappaateqalernissamut PFA-mi sillimmasiissuteqarnissamik isumaqatigiissuteqarsimappat, sulisorisat nappaatit Navianartumik nappaateqalernissamut PFA-mi sillimmasiissutikkut sillimmasiiffiqarsimasut arlaannik nappaateqalissagaluaruni aningaasanik ataasiartumik tunniunneqartussanik akileraaruteqaataasussaangitsunillu tunineqarsinnaavoq. Aningaasat tunniunneqartut piffissami atoruminaatsorsiorfiusumi aningaasatigut oqilisaataassapput.

Suliffeqarfimmi sillimmasiineramik taamaattumik pilersitsinissat soqutigigukku, taanna pillugu erseqinnerusumik paasisaqarumallutit PFA Soraarnej sianerfigisinnaavat.

Pissutsit nalinginnaasut

Sulisorisaq Navianartumik nappaateqalernissamut PFA-mi sillimmasernejarsimaguni, nappaammillu sillimmasiiffiqarsimasut arlaannik nappaateqalissagaluaruni aningaasanik ataasiartumik unniunneqartussanik tunineqassaaq. Aningaasat siusinnerpaamik tunniunneqassapput nappaatip paasineqarneraniit qaammatip ataatsip qaangiunnerani, aningaasallu akileraaruteqaataasussaangillat.

Illit nammineq aalajangissavat sulisorisatit 100.000 kr.-inik imaluunniit 200.000 kr.-inik sillimmasernejassanersut.

Sulisorisatit tamaasa, taamaattorli ikinnerpaamik inuit tallimat Navianartumik nappaateqalernissamut PFA-mi sillimmasersinnaavatit. Sulisorisavit soraarnerussutisiaqalernissamut aaqqissuussineri PFA Soraarnermi pilersinneqarsimassapput. Sulisorisat peqqissusertik pillugu paasissutissanik uagutsinnut tunniussaqaassangillat.

Navianartumik nappaateqalernissamut PFA-mi sillimmasiinerup akia

Inuit qanoq amerlatigisut aaqqissuussinermit ilaanerit, ukiui kiisalu aningaasanik tunniussinerit qanoq amerlatigisimanerat Navianartumik nappaateqalernissamut PFA-mi sillimmasiinerup akianut aalangiisuupput. Navianartumik nappaateqalernissamut PFA-mi sillimmasiinerup akia ukiumut ataasiarluni naatsorsorneqartarpoq.

2011-imi akit

Aningaasat tunniunneqartussat	Sulisorisamut ataatsimut ukiumut aki
100.000 kr.-it	1.326,36 kr.-it
200.000 kr.-it	2.652,72 kr.-it

NAVIANARTUMIK NAPPAATEQALERNISSAMUT PFA-MI SILLIMMASIINEQ

Sulisorisat qanoq sillimmasigaappat?

Sulisorisaq ukiut soraarnerussutisiaqalerfissani nallertinnagit, taamaattorli kingusinnerpaamik 65-inik ukioqarluni, navianartumik nappaateqalerpat, sulisorisaq aningaasanik tunineqassaaq. Aningaasat tunniunneqarsinnaanerannut aalajangiisuuvoq sulisorisap sillimmasiinerup pilersinneqarnerani nappaateqalersimanginnissaa. Sulisorisaq sillimmasiissummit aningaasanik ataasiannarluni tunineqarsinnaavoq.



Nappaatit sillimmasiiffigineqartut suuppat?

Nappaatit makku sillimmasiiffigisaapput:

- Uummatip taqarsuatigut milittoorneq
- Uummatikkut nappaateqarneq pillugu bypass-ilersinneq, uummatilluunniit taqarsuata neruttorneqarnera
- Qaratsakkut aanaartoorneq, qaratsap taqaasigut milittoorneq (apopleksi) nal.ak. 24-init sivilsinerusumik sunniuttoq
- Kræfteqalerneq (malunniutigeqqaagai pinnagit)
- Siaruaatereersumik skleroseqarneq (qaratsakkut qiteqqakkullu sianiutininik eqquisartumik)
- Tartuutsigut ataavartumik nappaateqarneq (dialyse atorlugu nakorsartittarluni)
- Timip pisataanik ikkussivigitinneq
- Aalersortinnikkut sulinermilluunniit pissuteqartumik HIV-mik tunillatsinneq
- Qaratsakkut qiteqqakkullu tinunerit ulorianangitsut ilaannik suliaritinnerit
- Nukeerukkiartorneq
- Uummatip miligaasigut nappaatinik suliaritinnerit
- Tappiitsunngorneq
- Tusilartunngorneq

Sillimmasiinermut piunasaqaatini killiliussat naammassineqarsimatillugit aatsaat nappaatit ataasiakkaat aningaasanik tunineqarsinnaanermik kinguneqartarput.

Sulisorisaq sutigut sillimmasigaanngila?

Sulisorisaq ilaatigut makkuninnga pisoqarnerani sillimmasigaanngilaq:

- Sulisorisaq nappaammik nappaatit navianartut ilaannik nappaateqartutut siusinnerusukkut paasisaqarfigineqarsimappat, nappaammut tassunga sillimmasiineq ajorpugut.
- Nappaat, nappaammut siusinnerusukkut paasineqarsimasumut toqqaannartumik toqqaannangikkaluartumilluunniit attuumassuteqartoq paasineqarpat, nappaatillu tamarmik nappaatinut navianartunut ilaappata.
- Nappaat mianersuaalliorujussuarnikkut piaaraluneernikkulluunniit nappaatigineqalersimappat. Tassa imaappoq sulisorisaq nappaateqalernermit nammineerluni pisooqataasimappat.

Akilerartarnermut tunngasut

Suliffeqarfiutersi navianartumik nappaateqalernissamut PFA-mi sillimmasiinermit pilersitsillunilu akiliisarpak akiliutit aningaasartuutitut akilerartarnikkut ilanngaatisinnaavasi. Akiliutit sulisorisanut akileraruteqaataassapput, tunniunneqarumaartussalli akileraruteqaataasussaassanatik.

PFA Pension

Navianartumik nappaateqalernissamut PFA-mi sillimmaserineqarneq PFA Pensionimi Danmarki miittumi pilersinneqassaaq. Aamma sillimmaserineqarnermut akiliutit PFA Pensionimut, ukiut tamaasa girokortimik nassiussisartussamut akilerneqartassapput.

Tassa imaappoq Navianartumik nappaateqalernissamut PFA-mi sillimmasiissut PFA Soraarnermi soraarnerussutisiaqalernissamut aqqissuussinersi aqputigalugu akilerneqarsinnaanngilaq.

NAVIANARTUMIK NAPPAATEQALERNISSAMUT PFA-MI SILLIMMASIINEQ

Siunnersorneqarneq danskisut pisarpoq

Oqaatsitigut allattariarsornikkullu siunnersorneqarneq danskisut pisarpoq. PFA Pension kalaallisut oqalussinnaasussanik atuarsinnaasussanilluunniit sulisoqanngilaq.

Sulisorisatit navianartumik nappaateqaleraluarunik qanoq iliussappat?

Sulisorisavit arlaata navianartumik nappaateqalerluni sillimmasigaanini atorfissaqartilissaguniuk PFA SundhedsCenter oqarasuaatikkut +45 70 80 78 70 sianerfigissavaa imaluunniit uunga e-mailerluni: Sundhedscenter@pfa.dk. Taava PFA Pensionip qinnuteqarluni immersugassaq nassiutissavaa, taannalu sulisorisap nakorsallu immersoriarlugu PFA Pensionimut utertissavaat.



PFA Soraarnek

Aqqussinersuaq 32, 1. t. v.
Postbox 1840
3900 Nuuk
Telefon +299 32 02 20
Telefax +299 32 02 40
soraarnek@pfa.dk
www.pfa.dk